

**Ufficio Stampa della Provincia autonoma di Trento**

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

**COMUNICATO n. 834 del 30/03/2026**

**Dar prodjèkt, vügevüart vo Arge Alp, bartze haltn in Vorarlberg un iz augelekk vor di djungen von 19 afte 22 djar. 'Z izta zait innzogeba di kandidaturn sin an fintzta atz 7 von madjo 2026**

## **“Alpinar kraft – di djungen prodjèktàrn zuarkhemmane”: 'z hefta à di selektziong vor in internatzionàl workshop**

**'Z hefta à an internatzionàl slektziong zo nemma toal in workshop “Alpinar Kraft – di djungen prodjèktàrn di zuarkhemmane” bodase bart haltn von 10 sin an 12 von höbiat 2026 in lant vo Vandans, in Vorarlberg (Österraich). Di initziatíf iz augelekk drinn in da arbat Kamòuschaf von alpinar redjongen geschützt von Lentar boda nemmen toal atz Arge Alp, un iz a bichtege okasiong zo reda übar tème azpe: enerdjì, auhaltung un ekologesche übergång von alpinar lentar. Di meldung, vor bazta àgeat dar autonome Provìntz vo Tria, lekk vür zo zornira daz mearaste viar djunge boda lem in Trentino, boda hãm zbisnen in 19 un in 22 djar, boda khennen garècht daz taütsch, un boda sa soin inngeschribet in schualn boda hatt an groazan interèse übar enerdjètege un umbèltege tème. In disan workshop di toalnemmar bartn khemmen inngevånk in interaktif arbatn, baispil a spil vo stratedjì boda iz khent auvargevuntet von Enerdjètege Institut von Vorarlberg un in åndre moméntn bosase vennen zo reda pitt åndre djunge boda zuarkhemmen vo mearare alpinar redjongen, darzuar bartnsa o nemmen toal in Poolbar-Festival 2026 vo Feldkirch.**

**Di zait innzogeba di kandidaturn iz khent vorlengart sin atz 7 von madjo boda khint**

Di toalnemmar bartn mang khön daz soi übar da enerdjètege zuarkhemmane von Alpm, machante bizzan bazta pensàrn di naüing djeneratziongen in sèlln boda detzidarn. Bazta auvakhint vo disarn arbat, defatte, bart khemmen ufizièll gezoaget dar Konferéntz von Schaffar von Govèrne vo Arge Alp auz pan herbest von 2026.

### **Progråmm**

An vrait a atz 10 von höbiat 2026.

Rivan zuar aniaglaz alumma atz

Vandans, in Land Vorarlberg (Österraich) gian z'sega da idroeletresche zentràl vo illwerke vkw, ummana von grözarstn vodar redjong.

An santzta atz 11 von höbiat 2026

Workshop bodase bart haltn in illwerke vkw centrum atz Vandans un, abas, nemmen toal in Poolbar-Festival 2026 atz Feldkirch.

An sunta atz 12 von höbiat

Aniaglaz kheart bidrumm alumma.

In toalnemmar boda soin khent zornìrt barten khemmen gezalt dar viazo, z'èzza un z'slava un bazta khint getânt sèmm asó azpe da iz geschribet in di meldung.

Di kandidaturn bartn mochan khemmen inngètt vor da auz iz di zait vorlengart sin atz 7 von madjo 2026, nå azpe da khint khött in di meldung schikhante allz durch PEC aftz [serv.relazioniesterne@pec.provincia.tn.it](mailto:serv.relazioniesterne@pec.provincia.tn.it) .

Arge Alp iz an arbat kamòuschaft augelekk atz 12 von bimmat von djar 1972 atz Mösern, in Tiról, pinn zil z'arbata übar tème boda àgian alln in alpinar lentar un boda innvånk schiar 26 mildjü laüt. 'Z soinda toal vo Arge Alp, 'z Taütschlånt pinn Frai Stato vodar Baviara, 'z Österraich pinn Länder Vorarlberg, Tiról un Saltzburg, 'z Beleschlånt pinn zboa autonome Provintzan vo Poatzan un Tria un pittar Redjong Lombardia, di Svaitz pinn Kantöü Graubünden, Saknt Gallen un Tessin. Alle di informatzionen boda soin mångl makmase vennen atz [www.argealp.org](http://www.argealp.org) .

### **Da gekhluppet di meldung**

(cdt)